

**Imigassaarniarnerup pisiniarfinit avissaartillugu immikkut
imigassaarniarfeqalernissaa pillugu apeqquteqaat aallaavigalugu oqallinnissamik
siunnersuut.**

(Charlotte Pike, Inuit Ataqatigiit)

Akissuteqaat

(Peqqinnissamut Naalakkersuisoq)

Imigassaq aalakoornartulik oqallisigineqarnissaa pingaaruteqangaarpoq. Imigassaq aalakoornartulik inuup ilorrisimaarnissaanut, peqqissussaanut napparsimaneranullu annertuumik sunniuteqartarpooq. Annertuumik imigassamik aalakoornartutorneq timitsinnut eqqarsartaatsitsinnullu peqqissutsimut kisimi kingunerluuteqartitsineq ajorpoq. Imigassaq aalakoornartulik meerartatsinnut, inuusuttortatsinnut aamma ilaqtariinnitsinnut ajornartorsiuteqarnitsinnut annertuumik pisooqataavoq. Pisussaaffigaarput imigassamik aalakoornartulimmik imernerup annikillinissaanut, inuusuttut imigassamik aalakoornartutoqqaarnerat kinguartinnissaanut peqqinnartumik imigassanik imertariaatsinut tapersiisunik aaqqiissutissanik nassaarnissatsinnut.

Ukiuni arlalikkuutaani sivisuumik imigassamik aalakoornartortalimmik eqqussuineq appariartuinnarsimanera takusimavarput. Maanna ajoraluwartumik takusinnaalerparput imigassamik aalakoornartortalinnik eqqussuineq annertusisimasoq, tamannalu pivoq imigassaq pillugu inatsit qasukkarneqarmat. 2019-mut sanilliullugu 2020-mi 10,6 procentimik qaffariarpoq. Tamanna liiterinngorlugu 36.000-iuvoq. Amerlasuut imigassamik aalakoornartulimmik attuinngilluinnartarput, ajoraluwartumilli amerlasuut imigassamik aalakoornartulimmik ajornartorsiorsinnaapput. 2018-mi innuttaasut peqqissusaannik misissuisitsinermi peqataasuni 15-34 akornanni ukiullit 49 %-ii imigassamik aalakoornartulimmik ajornartorsiorsimasinnaapput, inuusunnerillu 37 %-it meeraanermi angerlarsimaffimmi imigassamik aalakoornartyulimmik ajornartorsiutigisimavaat.

Nalunaarusiap "Kalaallit Nunaanni 15-iniit 34-nik ukiullit akornanni eqqarsartaatsikkut peqqissuseq aamma peqqissuseq" takutippaa, meeraanermi angerlarsimaffimmi imigassamik aalakoornartulimmik ajornartorsiortiusuni meeqqat peroriartornerminni persutnarneqarnissamut atornerlunneqarnissamulluunniit annertunerusumik aarlerinartorsiortitsartoq. Meeraanermi angerlarsimaffimmi imigassamik aalakoornartulimmik peroriartorsiotaq. Meeraanermi angerlarsimaffimmi imigassamik aalakoornartulimmik peroriartorsiotaq. Meeraanermi atornerlunneqarnissaq pingasoriaammik anneruovoq. Taamaamat ilaqtariit meerartallit imigassamik aalakoornartulimmik aseruutaasumik atuisut ikiorneratigut meeqqat persuttaanermut atornerlunneqarnissamullu pinaveersaartitsinikkut illorsorneqarsinnaapput.

Meeqqat illersuisuat angalanermini nalunaarusiaani ilisimavarput meeqqat amerlasuut atugarliuteqartut. Inersimasut imigassamik aalakoornartulimmik imissannginnerat aamma angerlarsimaffimmi toqqisisimanissartik kissaatigalugu meeqqat sakkortuunik oqariartuuteqarput.

Nunarsuarmi peqqinnissaq pillugu kattuffissuup WHO suliniutit pitsaasunik pitsaliuinermut sunniuteqarluarsinnaasunik arlalinnik innersuussinikuovoq. Soorlu assersuutigalugu pitsaliuinermut iluaqutaammata, imigassat aalakoornartortallit saqqummilaarnerannik pissarsiareeriaannaarneranik nittarsaannerannillu malittarisassuunikuovoq. Immikkut imigassaarniarfeqalernermi suliniutit taamaattut ingerlarsinnaassavagut, taamaasilluta nunatsinni imigassamik aalakoornartulimmik atuinerup appartinneqarnissaa suliniutigisinnaavарput, tamannalu meerartatsinnut inuusuttortatsinnullu iluaqutaassaaq. Siunissami immikkut imigassaarniarfeqalissagutta maluginiassavarput inuussutissarsiuteqartunut aningaasaqarniarkkut suliassatigullu annertuumik kinguneqartussaammata.

Corona annertuumik tunillaassuunnerani assersuutitut takuarput tuniniaaneq sassaalliateqarnerlu matuneratigut meeqqanut atuartunut qanoq pitsaasumik sunniuteqarsimanersoq, tamatumani ilinniartitsisut meeqqat akornanni annertuumik toqqisisimaneq ukkassisinnaanerlu takusimagamikkit. Politiiniit pitsaasumik aamma oqariartutigineqarpoq, angerlarsimaffimmi eqqiissivilliornerit, persuttaarnerit aamma imminut toquunnissamik siorasaarinerit annertuumik ikiliallassimammata. Imigassamik aalakoornartulimmik killilersuisoqarunnaarmat politiit imigassamik aalakoornartulimmik attuumassutilimmik amerlasuunik suliaqaqqilerput, tamatumani angerlarsimaffinni eqqiissiviilliornerit, angerlarsimaffinni eqqiissiviilliornerit meerartallit, imminut toquariarnerit, aqusinermi eqqiissiviilliornerit annertuumik aalakoortut imminut isumagisinnaajunnaartut. Taamaammat Naalakkersuisut oqallisssiaq tamanna tikilluaqquaat.

Naalakkersuisuniit taamatut oqaaseqarluta inersuarmi pissanganartumik angusaqarfifulluartumillu oqallittoqarnissaa qilanaaraarput.